



Broj: 01-42- 565- 18/17  
Sarajevo, 18.05.2017. godine

## Organizacijama i pojedincima u iseljeništvu

### Predmet: Poziv za učešće u istraživanju mapiranja iseljeništva

Ministarstvo za ljudska prava i izbjeglice Bosne i Hercegovine i Međunarodna organizacija za migracije (IOM) provode istraživanje mapiranja iseljeništva iz BiH u 10 zemalja prijema: Austriji, Danskoj, Holandiji, Italiji, Njemačkoj, Sloveniji, Švedskoj, Švicarskoj, SAD-u i Australiji, što je u skladu sa dokumentom Politika o saradnji s iseljeništvom usvojenom na 99. sjednici Vijeća ministara BiH 18.04.2017. godine.

Aktivnost se realizuje u okviru šireg četverogodišnjeg projekta pod nazivom "Uvrštanje koncepta migracija i razvoja u relevantne politike, planove i aktivnosti u Bosni i Hercegovini: **Dijaspora za razvoj** (D4D)" koji finansira Ambasada Švicarske u BiH a glavni implementator je Razvojni program Ujedinjenih naroda (UNDP) u BiH. Opći cilj projekta je doprinijeti poboljšanju socio-ekonomskih prilika u Bosni i Hercegovini kroz snažniju saradnju s iseljeništvom.

Mapiranjem će se prikupiti demografski, sociološki, ekonomski i sociokulturni podaci, kao i podaci o ljudskim potencijalima iseljeništva s ciljem boljeg poznavanja iseljeništva, boljeg razumijevanja njihovih potreba i očekivanja, kao i njihovih potencijala kojima mogu doprinijeti razvoju BiH. Rezultat mapiranja biće sveobuhvatan izvještaj o profilu i potrebama iseljeništva, te će sadržavati preporuke institucijama u BiH za unaprjeđenje saradnje s iseljeništvom u smislu pružanja kvalitetnijih usluga iseljeništvu, prenosa znanja i investiranja iseljeništva u BiH. Na osnovu rezultata mapiranja biće unaprijeden registar/baza podataka o iseljeništvu, a rezultati mapiranja će biti dostupni i na interaktivnom web portalu koji treba biti uspostavljen u okviru istog projekta.

Mapiranje će provoditi konsultanti angažovani od strane našeg projektnog partnera IOM koji će obaviti terensko istraživanje u iseljeništvu u gore pomenutim zemljama, obaviti intervjuje sa predstavnicima organizacija i istaknutim pojedincima, predstavnicima diplomatsko-konzularnih predstavništava BiH, predstavnicima zemalja prijema, grupne razgovore s iseljeništvom u fokus grupama, te prikupiti druge podatke o iseljeništvu putem anketnog upitnika.

Ministarstvo za ljudska prava i izbjeglice poziva pripadnike iseljeništva, organizacije i pojedince, da se uključe u što većem broju i pruže podršku istraživanju mapiranja iseljeništva s ciljem stavarjanja boljih prepostavki za našu dalju saradnju.

S poštovanjem,

MINISTRICA  
Semira Borovac

